



Na osnovu člana 20. stav (1) tačka 3. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11), direktor Službe za zajedničke poslove kantonalnih organa Bosansko-podrinjskog kantona Goražde objavljuje:

INFORMACIJU

o tromjesečnim podacima za izvještajni period od 01.04. do 30.06.2025. godine

Broj primljenih zahtjeva: U izvještajnom periodu od 01.04. do 30.06.2025. godine, Služba za zajedničke poslove kantonalnih organa Bosansko-podrinjskog kantona Goražde je zaprimila ukupno dva (2) zahtjeva za pristup informacijama, u skladu sa Zakonom o slobodi pristupa informacijama u Federaciji Bosne i Hercegovine.

Vrsta traženih informacija: Prvim zahtjevom su tražene kopije dokumentacije koju je podnosilac zahtjeva za pristup informacijama, kao jedan od kandidata za prijem u radni odnos, dostavio ovom organu uprave po objavljenom javnom oglasu za popunu upražnjenog radnog mjesta namještenika u Službi za zajedničke poslove kantonalnih organa Bosansko-podrinjskog kantona Goražde i lična primopredaja informacije.

Drugim zahtjevom su tražene kopije korespodencije između jednog organa uprave (ministarstva) i jednog pravnog lica (visokoškolske ustanove), za tačno određene datume, iz Glavne knjige protokola koja se vodi u pisarnici kantona i slanje informacije na kućnu adresu.

Utvrđeni izuzeci: Prilikom odlučivanja po zaprimljenim zahtjevima nisu utvrđeni zakonski izuzeci propisani Zakonom o slobodi pristupa informacijama u Federaciji Bosne i Hercegovine koji bi ograničili ili onemogućili ostvarivanje prava na pristup traženim informacijama.


Odluke donesene u toku postupka: U postupku rješavanja po zaprimljenim zahtjevima donesene su dvije pojedinačne uprave odluke u formi rješenja i to:

- Rješenje o odobravanju pristupa informacijama u cjelosti i
- Rješenje o odobravanju djelimičnog pristupa informacijama, s obzirom na to da Služba, kao organ uprave od kojeg su informacije tražene, nema u svom posjedu sve informacije tražene zahtjevom. Shodno tome, podnosiocu zahtjeva je odobren pristup samo onim informacijama koje se nalaze u posjedu Službe.

Konačne odluke: Oba donesena rješenja - rješenje o odobravanju pristupa informacijama u cjelosti i rješenje o odobravanju djelimičnog pristupa informacijama su postala konačna budući da protiv navedenih rješenja nisu izjavljene žalbe u ostavljenom roku od osam (8) dana od dana njihovog prijema.

Informacija o tromjesečnim podacima za izvještajni period od 01.04. do 30.06.2025. godine se dostavlja Parlamentu Federacije Bosne i Hercegovine i Instituciji ombudsmena za ljudska prava Bosne i Hercegovine, a biće objavljena na zvaničnoj web stranici Vlade Bosansko-podrinjskog kantona Goražde (www.bpkg.gov.ba), u skladu sa članom 20. stav (1) tačka 3. Zakona o slobodi pristupa informacijama u Federaciji Bosne i Hercegovine.

Broj: 15-45-747-1/25
Goražde, 25.07.2025. godine



DIREKTOR

Nermína Moco